

С 11 по 17 ноября 1995 г. в Иране было торжественно отмечено 150-летие со дня рождения великого казахского мыслителя, просветителя, поэта Абая Кунанбаева. Для участия в праздновании в Тегеран и Мазендархан выезжала группа казахстанских ученых и деятелей искусств во главе с Президентом Республики Казахстан Н. А. Назарбаевым.

На Днях Абая в Иране с докладом „Слово об Абае“ выступил президент Национальной академии наук академик НАН РК К. А. Сагадиев.

К. Э. САГАДИЕВ

Қазақстан Республикасы

Үлттүк ғылым

академиясының президенті,

Қазақстан Республикасы

Үлттүк ғылым

академиясының академигі

АБАЙ ТУРАЛЫ СӨЗ

Күрметті мырзалар мен ханымдар!

Ардакты ағайын!

Қалірлі ирандық достар!

Бұгін біз қазақ халқының ұлы перзенті – Абай Құнанбаевтың туғанына 150 жыл толған мерей тойына орай Иран үкіметі мен жүртшылығының үйімдастырып отырған мерекесіне жиналып отырмыз. Мұны біз ұлы ақын Абайға, жалпы қазақ еліне жасалып отырған зор құрмет деп білеміз. Ұлы ақын, кеменгер философ, ғұлама ойшыл, тамаша композитор, гуманист, қазақ халқының XIX ғасырдағы Ренессансстық оянуының ең жарқын жүлдізы Абай біздің шын мәніндегі шексіз мақтанышымыз, биік мәртебеміз.

Ал енді осындай рухани көсеміміз Абай үшін, жалпы қазақ халқы үшін қасиетті иран жерінің, фарсы мәдениетінің орны ерекше, бөлек. Үйткені Абай жас кезінен, шәкірт шағынан бастап:

Физули, Шәмси, Сәйхали,
Науай, Сағди, Фердауси,

Хожа Хафиз-бу қаммаси
Мәдәт бер шағири фәрияд, –

деп сиынған пірлерінің көбі осы иран топырағында туған, есімдері бүкіл әлемге аян саңылак ақындар.

Абайдың 150 жылдық мерей тойын тойлау туралы ЮНЕСКО-ның арнаулы шешімі тағы да бір рет даналыққа тағзым етудің, адам рухының ұлылығын бағалаудың үрдісіне айналды. Абай қазақ даласындағы жаңалық атауларының жаршысы болды. Оның гуманистік идеялары адамзаттың ең биік мұраттарымен үндесіп, қазақ халқының қоғамдық ой-санасына

айрықша ықпал етті. Абайдың өлмес өнері мен өміршөң ойлары бүгінгі өміріміздің де алтын арқауына айналып отыр.

Қазақ халқының өткен тарихын да, бүгінгі егемендік алған келбетінде осы бір аскар таудай тұлғасыз елестету мүмкін емес. Абай үлттық әдебиет пен мәдениеттің шыны ғана емес, бүгінгі адамзаттың даму барысында дербес Қазақстан халқының өз орнын танып-тусіну үшін, сөйтіп әлемдік мәдениет аясында өзіндік қадір-қасиетін арттыру үшін Абай сияқты ұлы тұлғалар кашан да рухани бағдар болып кала бермек.

Абай — әлемдік тұлға. Ол өз халқының мұң-мұқтажын, мәдениетін, қоғамдық ой-санасын, көркемдік ізденістерін мұлдем жаңа сапаға көтерді. Сонымен бірге оның арман-аңсары (идеалы) бүкіл адамзаттың ең биік асыл мұраттарымен де үндесіп жатыр. XX ғасырда кез келген қоғамның парқын, түптеп келгенде, адам сапасымен өлшеу үрдісі бірінші кезекке шығып отыр. Бұл тұрғыдан, Абай көксеген „бүтін адам“, Абай армандаған „толық адам“ проблемасы ең озық ой-идея ретінде бүгінгі зерделі қауымды да бейтарап қалдырмайды. Абайды тану арқылы біз өз болмысымызды терең тани туsemіз. Откен мен бүгінгінің парқын білеміз, болашағымызды сеніммен қараймыз.

Қазақ халқының дәстүрлі мәдениетінің қайнар бұлағынан еркін сусындал өскен Абай, сонымен бірге Шығыс пен Батыстың көркемдік дәстүрі мен философиялық ойларын да шығармашылқпен терен игерді. Қазақ халқының өзге халықтармен рухани жақындасуын барынша күшетті, оған талмас қанат бітірді. Осы үш бұлактан нәр алған Абай дүниетанымы іс жүзінде шексіз, ойы адам баласына ортак. Шығыстың даналық ойлары мен классикалық әдебиетін, Батыстың мәдени және әдеби үрдістерін даналықпен игерген Абай мұрасының бізге берер тағлымы — дүниенің алуан сырлы екендігі және оны тутастай үғынудың қажеттілігі еді. Оның дүниетанымына философия мен поэзия, философия мен көркем сөз қатысып жатады.

Қазақ және иран халықтарын жақындастыратын және біріктіретін тарихи тұлғалар баршылық. Соның бірі Отырардан шықкан және кезінде Шығыстың екінші үстазы атанған алғашқы кәсіпкой философ, ғулама ғалым Мұхамед Абу Наср әл-Фараби. Осыған орай „әл-Фарибиден Абайға дейінгі тарихи“ және рухани сабактастықты зерттеу бүгінгі күннің келелі мәселесі. Екі ғулама ойшылдың философиялық идеялары арасында терен үндестікті аңғарамыз. Абайдың ақындық және философиялық шеберлігінің басты қайнар көзі Шығыс ақындары мен ойшылдарының құнды идеялары мен принциптері. Бай араб мәдениеті және арабтық-мұсылмандық философиялық ой әл-Фараби мен Абайды байланыстыrap ортак рухани бастау. Абай жырлайтын адамның сұлулық пен бақытқа, әсемдік пен ұлылыққа үмтүлүү және жетуі сияқты идея әл-Фарабидің әлеуметтік-этикалық ілімінен басталады. Бұл ілімді ирандық ағайындар да зор құрметтейді. Осыдан, казақ және иран халықтары тарихи тұрғыдан қарағанда діні, мәдениеті, тарихы, әдебиеті жағынан өзара жақын, ынтымактас, дос халықтар.

Әдетте қазақ халқы даналыққа, философияға құштар халық. Сол даналықтың өлшемі болып Абай сынды бүкіл әлемдік ауқымдағы зерделі ақыл-ой алыбының бай рухани мұрасы есептеледі. Оның ақындық және

рухани мұрасын халқымыздың үлттық энциклопедиясы деп те орынды атайды. Сондықтан да ондағы үлттық идеяны игеру мен іске асыру қазіргі киын өтпелі кезеңді басынан кешіріп отырған қазақ үлттының, бүкіл қазақстандық отандастарымыздың басты идеялық бағдары болмак.

М. О. Әуезов айтқандай, „Үлттық және бүкіл адамзаттың мәдениеттің үш түрлі мол арнасы данышпан ақынның творчестволық ісіне рухани азық болды. Абайдың бүкіл ой-қиялына, әлеуметтік, ақындық ісіне дем беріп, шапағаты нәр алған арнаның бірі — халықтың өзі жасаған, ауыздан ауызға тараған, баспа жүзінде сакталып келген қазактың бағзы замандағы халық мәдениетінің бай мұрасы... ақындығына рухани дем беріп, азық болған екінші арна — Шығыс мәдениетінің тамаша мұрасы, араб-иран және түрік халықтарының классикалық поэзиясы“. „Ушінші арна — орыс мәдениеті, Еуропа мәдениеті“. Осылардың ішінде Абайдың дүниетанымы мен философиясын қалыптастыруды Шығыстың рухани қазынасының, әсіресе бай парсы әдебиеті мен мәдениетінің ықпалы мен әсері басқа екі аринаға қарағанда басымырақ болды. Ол араб пен парсының батырлық дастандары мен жырларын, әлемге әйгілі ақындарының құнды туындыларын, ат-Табари, Рабғузи, Рашид-ад-Дин, Бабур-Захиреддин Мұхамед, Абылғазы-Бағадур ханның тарихи еңбектерін, сондай-ақ мұсылмандық ҳүқ пен логика негіздерін жетік менгерген-ді. Өзінің айрықша кабілетінің арқасында өз бетімен жүйелі түрде оқып, араб және парсы тілдерін жедел игереді. Сөйтіп, ол халқымыздың тағы бір аяулы перзенті Әлихан Бекейханов айтқандай, қасиетті кітаптардың білімпазы атанады.

Абай Шығыстың ұлы ақындары Фирдоуси, Низами, Хафиз, Жами, Сағди, Сәйхали және басқа да алыптардың сиқырлы әуез, биік үлттық рух, қыннан қысқан шынайы шеберліктің үлгісіндегі ғажайып поэзиясының аясында тәрбиленіп, өмір бойы солардың дәстүрінен қол үзген жок. Өйткені Шығыстың ғұлама ойшыл ақындарының еңбектері терең философиялық астарлы болып, философияның өзі поэзиялық немесе әдеби формада емір сүреді. Бұл да Шығыстың ерекшелігі. Жетілген және толық адам тақырыбы бүкіл Шығыс философиясы мен мәдениетінің негізгі және басты проблемасы. Осылан орай жоғарыда аты аталған данышпан ақындар адамды адамгершілік, имандылық, кіслік, парасаттылық, ішкі рухани дүниесі жағынан жетілдіру мен дамыту принциптерін ашып, шығыстық эстетика мен этика мәселелерін алға тартады. Сөйтіп, қоғамды жана күйге көшіруге болатынын көрсетеді. Адамның шексіз танымдық мүмкіндіктерін ашып, Абай білім мен ғалымның әлеуметтік ролін жоғары бағалап, адамтану мен қазактану жүйелі түрде қалыптастырады.

Иранның сұнғыла ойшыл ақындарының адамға деген сүйіспеншілікті тереннен үфатын ерекше қасиеттері Абай лирикасы мен поэзияларынан жақсы көрініс тапқан. Барлық Шығыс ойшылдары сияқты Абайдың „Адам бол!“ атты үндеуі оның бүкіл творчествосының негізгі арқауы болды. Осының барлығы Шығыс философиясы мен мәдениетінің, оның ішінде Абай дүниетанымының ерекшелігін және тарихи-рухани сабактастығын сипаттайты.

Сонымен Абайдың негізгі зерттейтін проблемасы — адам, оның болмасы мен зерделі ойы, рухы мен намысы, еркіндігі мен кіслігі, арманы

мен тұтыну мәдениеті, білімділігі мен имандылығы, ақылы мен үяты. Ол былай дейді:

... Өлсе өлер табиғат, адам өлмес,
Ол бірак кайтіп келіп, ойнап-кулмес
„Мені“ мен „менікінің“ айрылғанын
„Өлді“ деп ат қойыпты өнкей білмес...

Адам, оның дүниемен қатынасы, өлім мен өмірдің мәні, халықтық болмыс пен ойлаудың ерекшелігі Абайдың кісілік, адамшылық философиясының негізгі проблемалары. Бұғаңға таңда да бастан кешіп отырған дағдарыстың өзі де сайып келгенде осы адамның дүниеге деген түбекейлі қатынасының дағдарысы. Осы қатынасты түбірінен өзгертуінше біздер дағдарыстан алмаймыз.

Тіпті мына бір өлең шумағында Абай қазіргі біздермен үндескендей, оларға барлық ішкі сырый ақтарып тастағандай:

...Жүргімнің түбіне терен бойла,
Мен бір жұмбак, адаммын, оны да ойла,
Соктықпалы, сокпаксыз жерде өстім,
Мынмен жалғыз алыстым, кінә қойма!

Әрбір адам өз халқы үшін қызмет етеді. Сондықтан ол халқының алдында жауапты. Адам өзінің рухани жағынан мейірімді, қайырымды, иманды, енбек сүйгіш болуы қажет. „Адал еңбек, мал таппак, жүртқа жақпак“, – дейді Абай. Адал еңбек адамның жан дүниесін табандылыққа, өжеттілікке, алғырлыққа, кәсіпкерлікке, мейірімділікке баулиды, ал, оның қадірін білмейтін салбексе жалқаулар көбіне жануар сияқты тек ішіп жегенді ғана көздейді. „Еріншектік – құллі дүниедегі өнердің дүшпаны. Талапсыздық, жігерсіздік, үятсыздық, кедейлік – бәрі осыдан шығады“. Қысқасы, ғұлама философ-ақын еңбекті байлық пен игіліктің қайнар көзі, адам қызметінің ең биік өлшемі, халқына, отанына жалықпай қызмет етудің, оның үлттық мұддесін жүзеге асырудың, ар-намысын қозғаудың басты көрсеткіші деп білді.

Адамның рухани жағынан жетілген тұлға ретінде қалыптасу процесінде еңбектің, өскен ортаның және тәрбиенің атқаратын рөлі айтарлықтай. Әсіресе, әрбір адам өзін өзі жүйелі түрде тәрбиелеп отыру бұрын да және қазіргі заманда да өте қажет. Ол жөнінде Абай: “Егерде есті кісілердің қатарында болғың келсе, күнінде бір мәртебе, болмаса жұмасында бір, ен болмаса айында бір – өзіңнен өзің есеп ал. Сол алдыңғы есеп алғаннан бергі өмірінді қалай өткіздің еken, не білімге, не ахиретке, не дүниеге жарамды, күнінді өзің өкінбестей қылышқлен өткізіппісің. Жоқ, болмаса, не қылышп өткізгенінді өзің де білмей қалыптысың?“ Осы жерде Абай адамның өзін басқалардың сын көзімен қарап, істеген ісіне бағалық талдау жасауға, өзінің күнделікті іс-қимылына өзі сын көзбен баға беруге, өзін-өзі қatal тексеруден өткізуға шақырады.

Сонымен қатар Абай адамның тұтыну мәдениетіне айтарлықтай көніл аударады. „Әрбір жақсы нәрсенің өлшемі бар, өлшемінен асса – жарамайды. Өлшемін білмек – бір үлкен керек іс... Ішпек, жемек, кимек,

кулмек, көніл көтермек, құшпак, сүймек, мал жимақ, мансап іздемек, айлалы болмақ, алданбастық — бұл нәрселердің бәрінің де өлшемі бар“. Сол өлшемнің шамасын үяттылық пен арлылық аныктауға болады. Осындай сезімі бар адам қанағатшыл кісі болмақ, ал қанағат карның тойдырады.

Абай имандылық және адамгершілік идеясын өмір бойы ту етіп көтерген ұлы философ-ақын. Оның пікірінше, еңбек адамды бостандыққа, байлыққа, іскерлікке, бақытқа жетелейді. Игіліктерге қол жеткізегендегі, оның өнімдерін дұрыс иемдену, бейбіт өмір және әлеуметтік тұрақтылық, халықтар арасындағы ынтымақ пен достық, қайырымдылық пен әлеуметтік әділет, білім мен ғылым салтанат құрған қоғам ақынның әлеуметтік арманы, мақсаты болды. Ол былай дейді:

Дүние де өзі, мал да өзі,
Ғылымға көніл бөлсеніз.

Абайдың пікірінше, әрбір азамат үшін үлкен бақыт — халықтың қайғысы мен ауыртпалығын өз иығына көтеріп, оған барынша мол пайда келтіруде. „Өзің үшін еңбек қылсан, өзі үшін оттаған хайуанның бірі боласың, адамшылықтың қарызы үшін еңбек қылсан, Алланың сүйген құлының бірі боласың“.

Сонымен ұлы Абайдың рухани, даналық мұрасы терең мағыналы философиялық идеяларға толы. Оның адам туралы біртұтас философиялық ілімі Батыстағы Л. Фейербах пен Н. Чернышевский сияқты ғұламалардың антропологиялық концепцияларынан жоғары түрған ілім. Әрбір хакім оның пікірінше, міндетті түрде әрі ғалым, әрі философ, ал әрбір ғалым немесе философ хакім емес. Ендеше, данышпан Абай хакім болып есептеледі. Яғни әрі ғұлама ғалым, әрі ғұлама философ-ойшыл.

Абайды тану — бұл қазакты, адамды тану, қазақ халқын тану. Өзімізді өзіміз тани отырып, өзімізді басқаларға, әлемге таныту. Сөйтіп, халқымыздың үлттық сана-сезімін оятып, оның қайта жаңғыртып, іштей біріктіріп, басқа ұлыстармен ынтымақта болып, әлеуметтік серіктестік арқылы орнықты демократиялық даму болып табылады. Бұл біздің Абай атамыз салып берген даңғыл стратегиялық бағы тымыз.

Сайып келгенде, Абай тұлғасы оның даналығында, даналықты иемденген қайратында, ойының терендігінде және батылдығында. Оның рухани кеңістігі өз халқының әлеуметтік кеңістігімен шектелмей, бүкіл адамзат тарихымен, Батыс және Шығыс мәдениеттерімен тоғысты және тілдесті. Абайдың өмірлік ұраны: „Жүргіне сұнгі де, түбін көзде. Сонан тапқан — шын асыл, тастай журме“, яки табандылық пен талаптылық, татулық, жолдастық, сыйластық, кәсіптік икемділік.

Сайып келгенде, адамтанудың негізінде мынандай үш бірдей идея жатыр: „адам бол“, „адамгершілікке жол тап“, „Адамдықabyroidы сакта“. Ақыл, жүрек, қайрат сияқты адамдық қасиеттерді қатар ұстаған Абай сынды ғұлама тұлға бүгінгі күні біздер үшін зор мағынаға ие болып отыр. Ол адамның табиғатына, руханилығына, әлеуметтілігіне баса назар аударды. Сондықтан да Абайдың рухани және ақындық мұрасын терең игеру және оны әрбір адам өзінің бойына терең сініру біздерге, казактарға үлкен міндет.

Абайдың рухани мұрасы арқылы XIX ғасырдың екінші жартысындағы тәуелсіздік пен егемендікке үмтүлған қазақ халқының тағдыры мен тауқыметі анық көрінеді. Дегенмен, Ресей және Совет империясы өзінің орыстандыру және отарлау саясатын елімізде мықтап жүргізді. Сейтіп, Абай өз заманының әлемдік мәдениет деңгейіне көтерілген озық тұлғасы, өз халқының келешегін терең топшылаған данышпан ойшылы болды. Ғұлама тұлғалар әрқашанда көптеген тарихи дәуірлердің, ендеше, біздің де өмір сүріп отырған өтпелі кезеңнің де замандасы, тірегі, рухани кенесшісі болмак. Абайдың ұлылығы мен данышпандығы осында. Оның тұлғасы жан мен тән саулылығының, зерде мен парасат шоктығының жарқын бейнесі, тәнір берген салт-дәстүрге негізделген қабілет-қасиеттердің тұтастығында. Данышпан Абайды өмірге келтірген қазақ халқы да данышпан халық, ендеше, оның келешегі өте зор, өркениетті қазақ мемлекеті болмак.

Міне, осындай жалпы адамзаттық ақыл-ой мәдениеттің ең биік аскарынан көрінген, ғұлама синтез тұлға Абай әлемдік генилермен бір қатарда тұр. Фирдоуси мен Физули, Сағди мен Низами, Хафiz бен Науай, Байрон мен Гете, Пушкин мен Лермонтов ... Міне, бұлар Абай дүниетанымының, көркемдік әлемінің отау тіккен ордасы, теңесер терезесі еді.

Иә, әдебиет халық тағдырынан, ел тарихынан тыс өмір сүре алмайды. Оның тандаулы үрдістері қоғамның дамуына, әлеуметтік-саяси ой-пікірдің жаңа арнамен өркендеуіне әсер етпей қоймайды. Демек, әдебиеттің әлеуметтік-коғамдық мән маңызын бұл арада дәлелдеп жатудың қажеті бола қоймас. Ал Абай сияқты дана тұлға осы бір процестің бел ортасында тұрғанымен ғана емес, сол қоғамдық ой-пікірдің соны сапада, мұлдем тың арнада дамуының үйітқысы, алтын діңгегі болуымен айрықша құнды.

Абай Құнанбаев — қазақтың жаңа жазба әдебиетінің негізін салушы. Абай шығармалары қазақ қоғамының XIX ғасырдағы тыныс-тіршілігінің, болмыс-бітімінің қоғамдық қайшылығының бар шындығын аскан шеберлікпен алдыңызға жайып салады. Абай поэзиясы мен қара сөзінің ең басты кейіпкері өзін толық сезінуге, өмірдегі, қоғамдағы өз орнын жанжакты білуге тиіс — Адам, Тұтас, Тұлға. Бірақ бұған жетудің жолы алыс... Міне, Абай сөзімен айтканда осы бір „Соктықпалы, сокпаксыз жерде“, бұлтарысы көп қын жолда ақын дауысынан бірде мұң-зар, бірде жарқын шаттықтың лебі еседі, біәрак, мейлінше мөлдір, шексіз рухани тазалық, осының бәрінде оқырманға үнемі серік болады.

Қазақ фольклоры мен бұрынғы дәстүрлі әдебиеттің бары мен нәрін өз бойына сініріп өскен Абай, сол әдебиеттің туын да әлемдік әдебиет тұғырына кондырған дара тұлға. Абай өмір сүрген XIX ғасыр қазақ халқының тарихындағы аса бір курделі, қын-қыстауы мол кезең еді. Еркіндікке үмтүлу, үлт-азаттық күрес, ағартушылыққа кең қулаш сермеу, адамзаттық ой-санана қол созу, міне бұл ғасырдың қазақ халқының тарихындағы көрінісі осындай болмақ.

Құдіретті Абай сөзі осы бір дәуірде қазақ халқының арман-тілегінің, мұңзарының айқын айнасы болды. Оның поэтикалық, ғаклиялық мұрасы қазақ әдебиетінің тереннен тартылған дәстүріне жанаша сипат үстеді. Ақын өзіне дейінгі бар рухани мұрағатты игере отырып, Шығыс пен Батыстан

тел сүйснап, әдебиет пен ақындық өнерге соны опақ сокпақ сала алды. Ол қоғамды артқа тартатын, адмды жарымжан ететін кемшілік атаулының бәріне қарсы күресті. Бұл күресте Абайдың басты қаруы сөз болды. Бұл сөз — аскан дананың, кеменгер сүреткердің жүрек жарды сөзі еді. Өзінің поэтикалық-философиялық шығармаларында Абай көшпелі қоғамдық болмысын мейлінше терен, шыншылдықпен суреттей отырып, адамзат дамуының алдыңғы легінен ығысып, шет қақпай бола бастаған көшпелі қоғамды озық елдің қатарына косуға, ең бастысы „жарымжан адамды“ „толық адаммен“ алмастыруға барлық күш-қайратын, қасиетті сезін аяған жок. Сонымен қатар ол көшпелі қоғамның да адамзат тарихында алар орны, өзіндік мәні барын да терен сезінді. Абайдың өлеңдерін оқығанда жылдың әр мезгіліндегі дала тіршілігінің тынысымен сізде маҳабаттық сезіммен дем алғандай боласыз...

Абай өзгермейтін Алланы танушы философ екенін мына сөздерден байқаймыз:

Алланың өзі рас, сөзі де рас,
Рас деген сөз ешуакытта жалған емес.

Осы жерде Алланың растығы танылатын болмыс ретінде байқалады. Рас мәңгіліктің өлшемі, Алла мәңгілік шындық. Ол адамның өмір суруімен дамуының кеңістігі. Алла мен өзгеруші адам болмысы Абай философиясы мен дүниетанымының өзекті мәселесі. Маҳабbat сезімі екеуін байланыстыратын күш.

Дененің барша қуаты,
Өнерге салар бар күшін.
Жүректің ақыл суаты
Маҳабbat қылса тәнірі үшін, —

дейді Абай. Ендеше, маҳабbat адамдықтың өлшемі, сондыктан „махаббатсыз дүние бос“. Адамға адамшылықпен қарау, Абайдың пікірінше, мұсылман-дықтың негізгі шарты.

Алла ішімді айтқызбай біледі ойла,
Пендесіне қастық пен кінә койма.
Распен таласпа мүмин болсан
Ойла, айттым, адамдық атын жойма.

Абайдың дара қайталанбас тұлғасын сезінбей турып, Абай поэзиясы мен қара сөздерінің көркемдік нәрі, кеменгерлік қуатын, даналық сипаттын тану мүмкін емес. Ақын тұлғасы оның поэзиясының айнасы. Абай — хакім, Абай — дана. Олай дейтініміз Абай шығармаларының мазмұны қазақ қоғамының шекарасымен шектелмейді, оның мән-маңызы жалпы болмыс (действительность) атаулыға объективті турде баға берудің үлгісі бола алады.

Бұл орайда Абай тек қазақ өлеңі мен поэзиясының шын мәніндегі реформаторы болып қана койған жок, ол өзінің жаңашыл идеяларымен өз халқының дүниетанымына да айрықша ықпал етті. Абайдың еркіндікке үмтүлған рухы, биік гуманизмі, бай демей, кедей демей әр адамның жанына үңілген жан сыры, кереген ойы жеке индивидтің жетер межесі, толысар мәресі болып қалмак. Ал бұл нысана үлт тандамайтын, керісінше, барлық адамдардың басын қосатын адамзаттың ортак мақсаты екені шүбасыз.

Иә, Абайдың артында қалған ғажайып зор мұрасына берілер баға, айтылар сөз уақыт шекарасын да, халықтар мен мемлекеттер шекарасын да еркін аттап, қанатын кен жая бермек. Париже, Лондонда, Мәскеуде, Санкт-Петербургте, Киевте, Ташкентте, Түркияда, Қытайда т. б. көптеген елдер мен қалаларда өткен Абай күндері осының куәсы. Ал Қазақстанда, оның астанасы Алматыда өткен салтанатты ғылыми сессияда 24 елден келген 50-ден астам көрнекті мемлекет, қоғам, ғылым және мәдениет қайраткерлері қатысқан мәжіліс Абай шекарасының жалпы адамзаттық деңгеймен өлшенетінін көрсетті. Сөйтіп, Абайға деген зор құрмет, Қазақстанға, 10 млн. казак халқына, оның мәдени-рухани мұрасына көрсетілер құрметке айналды.

Иә, сөз орайы келгенде айта кетейін, осы бір зиялыштар қауымының бас косуында Ислам Иран Республикасының сыртқы істер министрі, доктор Эли Экбар Велаятидің арнағы делегацияны басқарып келіп, Абай туралы айткан жүрек жарды сөзі баршамыздың көнілімізге қонды, мәртебеміз өсті. Оған ризашылығымызды білдіруге рұқсат етініздер.

Иран халқы өкілдерінің Қазақстандағы Абай тойына қатысуының да, бүтін Ислам Иран Республикасында Абай күндерінің өткізіліп жатқанының да, Абай өлеңдерінің парсы тіліндегі тандамалы тәржімесінің жарыққа шығуының да айрықша мән-маңызы барын біз жақсы түсінеміз. Себебі ғасырлар койнауына сұңғығен сайын тарихи-мәдени кеңістігіміздің ортақ, түйісер сәттерінің аса мол екендігі шұбасыз. Алыс-беріс, мәдени, шаруашылық қарым-қатынас, рухани байланыстарымыз біздердің атабабаларымызда талай ғасырлар бойы үзілмеген. Иран фольклоры мен мифологиясының сюжеттері мен кейіпкерлері, дастандары мен ертегілері есте жок ескі замандардан бері қазак арасында кеңінен тараған. Олар біздің төл шығармаларымызға айналып кеткен. Парсы әдебиетінің классиктері де казак оқырмандарына ертеден таныс.

Ал Абай мұрасына келер болсак, оның қайнар бұлағының бірі – Шығыс мәдениеті мен әдебиеті екенін тағы да айтып өту парыз. Себебі бұл үғымның негізгі мәні – парсы тілінде жазған ұлы ақындар мен философтардың мұрасымен Абай шығармаларының рухани жалғасып жатуында. Рудаки, Фирдоуси, Сағди, Хафиз, Физули, Науай, Шамси, Низами, Дауани, міне, бұлар Абай дүниетанымынан, көркемдік әлемінен мықтап орын алған. Абайдың құлаш жайған өрісі:

Иузи раушан, көзи гәунар
Лаңылдек бет үши әньмар...

Міне, бұл „аруз“ өлең өлшемінің Абай поэзиясындағы өзінше бір көрінісі, Абай ізденістерінің бір қыры.

Абай әйгілі бестік (Хамса) формасында жазылған Ескендір (Александр Македонский) туралы дастанды да өзінше жазған ақын.

Иә, Абай әлемі шексіз. Оның замана көшін түзу жолға бастайтын ғұлама ойлары әсіресе, қазір бізге аудай қажет. Әлемдік деңгейге көтерілген Абай мұрасының бізге берер тағымы – бүкіл адамзат баласына тән құндылықтар мен игіліктерге талмай үмтүлу, барша халықтарды ортақ бір арнаға құятын үрдістерге шақыру. Осы бір күндері Абайтану ілімі жаңа

бір серпілістерді бастан кешіруде, егемен Қазақстанның өткені: бүгінгісі және болашағы туралы ой-сананың қайта бір түлеп, барымыз бен жоғымызды сана сұзгісінен қайта бір өткізіп жатқан тұсымызда Абайдан үйренудің қажеттігін біз айрықша сезінудеміз. Ал ол сабак — адам баласына жамандық келтірмеу, халықтар достығының байрағын мықтап ұстау, ғылымға, біліге үмтүлу, өзге халықтардың барлық саладығы озық, гуманистік жетістіктерін игеру болып шығады. Сондыктан да біз Абайды рухани көсем тұта отырып, бүгінгі егеменді тәуелсіз Қазақстанның да рухани-адамгершілік мұратын әлем жүртшылығына жария етеміз.

Абай әлемін біз әлі толық игерген жокпыз. Осыдан болар ұлы ақынның казіргі үрпактары Абайды бүкіл әлемдік тұлға ретінде танытуда кемшін түсіп жатқан жақтары бар... Солай бола тұrsa да қазір біз өзімізді толғандырған талай сауалдардың жауабын Абайдан табудамыз. Уақыт өтер, заман ауысар, бірақ Абайдың берер тағлымы, қуаты мол жүрек жылуы касиетті сөзі әр үрпакпен етene жақын табыса бермек.

Абай мұрасының көкейкестілігі мен маңыздылығы да осында.